

第〇二四册

曆象彙編

歲功典

干支部

晦朔弦望部

晨昏晝夜部

(卷)

101—104

105—106

107—110

古今圖書集成

中華書局影印

古今圖書集成

目錄

卷一

古今圖書集成

中華書局影印

欽定古今圖書集成曆象彙編歲功典

第一百二卷目錄

千支部彙考

禮記 月令

爾雅 釋天

子午經 主司

史記 律書

漢書 律歷志

淮南子 天文訓

白虎通 五行篇

釋名 釋天

說文 十干

博雅 千支雜釋

晉書 樂志

漏刻經 定太陽出沒法

夢溪筆談 千支總考

補筆談 千支總考

瑞桂堂暇錄 納音

百怪斷經 雙噴占

稗編 千支數

歲功典第一百二卷
千支部彙考
禮記

月令

孟春之月 其日甲乙

注 乙之言軋也日之行春東從赤道發生萬物月為之佐時萬物皆解孚甲自抽軋而出因以為日名焉乙不為月名者君統臣功也

孟夏之月 其日丙丁

注 丙之言炳也日之行夏南從赤道長育萬物月為之佐時萬物皆炳然著見而疆大又因以為日名焉

中央土 其日戊己

注 戊之言茂也己之言起也日之行四時之間從黃道月為之佐至此萬物皆枝葉茂盛其合秀者仰屈而起故因以為日名焉

孟秋之月 其日庚辛

注 庚之言更也辛之言新也日之行秋西從白道成熟萬物月為之佐萬物皆肅然改更秀實新成又因以為日名焉

孟冬之月 其日壬癸

注 壬之言任也癸之言揆也日之行冬北從黑道閉藏萬物月為之佐時萬物懷任于下揆然萌芽又因以為日名焉

爾雅

釋天

太歲在甲曰闕逢在乙曰旃蒙在丙曰柔兆在丁曰

疆圍在戊曰著雍在己曰居維在庚曰上章在辛曰重光在壬曰元默在癸曰昭陽太歲在寅曰攝提格在卯曰單闕在辰曰執徐在巳曰大荒落在午曰敦牂在未曰協洽在申曰涇雉在酉曰作噩在戌曰闕在亥曰大淵獻在子曰困敦在丑曰赤奮若月在甲曰畢在乙曰橘在丙曰修在丁曰圍在戊曰廣在己曰則在庚曰奎在辛曰塞在壬曰終在癸曰極

子午經

主司
東方甲乙木主人肝膽筋膜魂南方丙丁火主人心小腸血脈神西方庚辛金主人肺大腸皮毛魄北方壬癸水主人腎膀胱骨髓精志中央戊己土主人脾胃肌肉意智

十二部人神所在

心辰喉卯頭寅眉丑背子腰亥腹戌項酉足申膝未陰午股巳

千支人神忌日

甲乙忌寅時頭丙丁忌辰時耳戊己忌午時髮庚辛忌申時壬癸忌酉時足

子日忌耳寅日口卯日鼻辰日喉巳日手午日心未日足申日頭酉日背戌日項亥日頂

建日申時頭除日酉時膝滿日戌時腹平日亥時腰背定日子時心執日丑時手破日寅時口危日卯時鼻成日辰時唇收日巳時足開日午時耳閉日未時目

十二時忌

子時躍丑時頭寅時目卯時面耳辰時項口巳時午

時胃腸未時腹中時心酉時背脾戌時腰陰亥時股
史記

律書

書曰七正二十八舍律曆天所以通五行八正之氣
天所以成就萬物也舍者日月所舍舍者舒氣也不
周風居西北主殺生東壁居不周風東主辟生氣而
東之至於營室營室者主營胎陽氣而產之東至於
危危危也言陽氣之危危故曰危十月也律中應鍾
應鍾者陽氣之應不用事也其於十二子為亥亥者
該也言陽氣藏於下故該也廣莫風居北方廣莫者
言陽氣在下陰莫陽廣大也故曰廣莫東至於虛虛
者能實能虛言陽氣冬則宛藏於虛曰冬至則一陰
下藏一陽上舒故曰虛東至於須女言萬物變動其
所陰陽氣未相離尚相如寄也故曰須女十一月也
律中黃鍾黃鍾者陽氣踵黃泉而出也其於十二子
為子子者滋也滋者言萬物滋於下也其於十母為
壬癸壬之為言任也言陽氣任養萬物於下也癸之
為言揆也言萬物可揆度故曰癸東至於牽牛牽牛者
言陽氣牽引萬物出之也牛者冒也言地雖凍能冒
而生也牛者耕植種萬物也東至於建星建星者建
諸生也十二月律中大呂大呂者其於十二子為丑
丑者紐也言陽氣在上未降萬物厄紐未敢出條風
居東北主出萬物條之言條拾萬物而出之故曰條
風南至於箕箕者言萬物根柢故曰箕正月也律中
泰簇泰簇者言萬物簇生也故曰泰簇其於十二子
為寅寅言萬物始生蠟然也故曰寅南至於尾言萬
物始生如尾也南至於心言萬物始生有華心也南

至於房房者言萬物門戶也至於門則出矣明庶風
居東方明庶者明衆物盡出也二月也律中夾鍾夾
鍾者言陰陽相夾則也其於十二子為卯卯之為言
茂也言萬物茂也其於十母為甲乙甲者言萬物剖
符甲而出也乙者言萬物生軋軋也南至於氏氏者
言萬物皆至也南至於亢亢者言萬物亢見也南至
於角角者言萬物皆有枝格如角也三月也律中姑
洗姑洗者言萬物洗生其於十二子為辰辰者言萬
物之蟄也清明風居東南維主風吹萬物而西之軋
軋者言萬物益大而軋軋然西至於翼翼者言萬物
皆有羽翼也四月也律中中呂仲呂者言萬物盡旅
而西行也其於十二子為巳巳者言陽氣之已盡也
西至於七星七星者陽數成於七故曰七星西至於
張張者言萬物皆張也西至於注注者言萬物之始
衰陽氣下注故曰注五月也律中蕤賓蕤賓者言陰
氣幼少故曰蕤賓陽不用事故曰蕤賓風居南方景
者言陽氣道竟故曰景風其於十二子為午午者陰
陽交故曰午其於十母為丙丁丙者言陽道著明故
曰丙丁者言萬物之丁壯也故曰丁西至於弧弧者
言萬物之吳落且就死也西至於狼狼者言萬物可
度量斷萬物故曰狼涼風居西南維主地地者沈奪
萬物氣也六月也律中林鍾林鍾者言萬物就死氣
林林然其於十二子為未未者言萬物皆成有滋味
也北至於罰罰者言萬物氣奪可伐也北至於參參
言萬物可參也故曰參七月也律中夷則夷則言陰
氣之賊萬物也其於十二子為申申者言陰用事申
賊萬物故曰申北至於濁濁者觸也言萬物皆觸死

也故曰濁北至於雷雷者言陽氣之積雷也故曰雷
八月也律中南呂南呂者言陽氣之旅入藏也其於
十二子為酉酉者萬物之老也故曰酉闔闔風居西
方闔者倡也闔者藏也言陽氣道萬物闔黃泉也其
於十母為庚辛庚者言陰氣庚萬物故曰庚辛者言
萬物之辛生故曰辛北至於胃胃者言陽氣就藏皆
胃胃也北至於婁婁者呼萬物且內之也北至於奎
奎者主毒螫殺萬物也奎而藏之九月也律中無射
無射者陰氣盛用事陽氣無餘也故曰無射其於十
二子為戌戌者言萬物盡滅故曰戌

律歷志

黃鍾黃者中之色君之服也鍾者種也天之中數五
五為聲聲上宮五聲莫大焉地之中數六六為律律
有形有彩色上黃五色莫盛焉故陽氣施種於黃泉
孽萌萬物為六氣元也以黃色名元氣律者著宮聲
也宮以九唱六變動不居周流六虛始於子在十一
月大呂呂旅也言陰大旅助黃鍾宣氣而牙物也位
於丑在十二月大族族奏也言陽氣大奏地而達物
也位於寅在正月夾鍾言陰夾助大族宣四方之氣
而出種物也位於卯在二月姑洗洗絜也言陽氣洗
物辜絜之也位於辰在三月中呂言微陰始起未成
著於其中旅助姑洗宣氣齊物也位於巳在四月蕤
賓蕤繼也賓導也言陽始導陰氣使繼養物也位於
午在五月林鍾林君也言陰氣受任助蕤賓君主種
物使長大林盛也位於未在六月夷則則法也言陽
氣正法度而使陰氣夷當傷之物也位於申在七月

南呂南任也言陰氣旅助夷則任成萬物也位於酉在八月亡射射賦也言陽氣究物而使陰氣畢剝落之終而復始亡厭已也位於戌在九月應鍾言陰氣應亡射該藏萬物而雜陽闔種也位於亥在十月黃鍾子爲天正林鍾未之衝丑爲地正大族寅爲人正

太極元氣函三爲一極中也元始也行於十二辰始動於子參之於丑得三又參之於寅得九又參之於卯得二十七又參之於辰得八十一又參之於巳得二百四十三又參之於午得七百二十九又參之於未得二千一百八十七又參之於申得六千五百六十一又參之於酉得萬九千六百八十三又參之於戌得五萬九千九百四十九又參之於亥得十七萬七千一百四十七此陰陽合德氣鍾於子化生萬物者也故孽萌於子紐牙於丑引達於寅冒萌於卯振美於辰已盛於巳罨布於午昧變於未申堅於申雷執於酉畢入於戌該闔於亥出甲於甲奮軋於乙明炳於丙大盛於丁豐林於戊理紀於己斂更於庚悉新於辛懷任於壬陳揆於癸故陰陽之施化萬物之終始既類旅於律呂又經歷於日辰而變化之情可見矣天統之正始施於子半日萌色赤地統受之於丑初日肇化而黃至丑半日牙化而白人統受之於寅初日孽成而黑至寅半日生成而青天施復於子地化自丑畢於辰人生自寅成於申故歷數三統天以甲子地以甲辰人以甲申孟仲季迭用事爲統首

天文志

甲乙海外日月不占丙丁江淮海岱戊己中州河濟

庚辛華山以西壬癸常山以北太歲在寅曰攝提格歲星正月晨出東方在卯曰單閼二月出在辰曰執徐三月出在巳曰大荒落四月出在午曰敦牂五月出在未曰協洽六月出在申曰涒灘七月出在酉曰作諸爾雅作八月出在戌曰掩茂九月出在亥曰大淵獻十月出在子曰困敦十一月出在丑曰赤奮若十二月出

翼奉傳

奉好律歷陰陽之學元帝初上封事曰臣聞之於師治道要務在知下之邪正入誠卿正雖愚爲用若遇懷邪知益爲害知下之術在於六情十二律而已北方之情好也也行貪狼申子主之

孟康曰北方水水生於申盛於子水性觸地而行觸物而潤多所好故多好則貪而無厭故爲貪狼也

東方之情怒也怒行陰賊亥卯主之

孟康曰東方木木生於亥盛於卯木性受水氣而生貫地而出故爲怒陰氣賊害土故爲陰賊也貪狼必待陰賊而後動陰賊必待貪狼而後用二陰並行是以王者忌子卯也禮經避之春秋諱焉

李奇曰北方陰也卯又陰賊故爲二陰王者忌之不舉樂春秋禮記說皆同賈氏說桀以乙卯亡紂以甲子喪惡以爲戒張晏曰子刑卯卯刑子相刑之日故以爲忌而云夏以乙卯亡殷以甲子亡不推湯武以興此說非也師古曰儒者以爲子卯夏殷亡日大失之矣何儒亮以爲學者雖駁云只取夏殷亡日不論殷周之典以爲大失不博考其

義且天人之際其理相符有德者昌無德者亡以桀紂之暴虐又遇忌日其理必亡以湯武之德固先天而天不違所謂德能消殃矣豈殃能消德也南方之情惡也惡行廉貞寅午主之

孟康曰南方火火生於寅盛於午火性炎猛無所容受故爲惡其氣精華最盛故爲廉貞

西方之情喜也喜行寬大巳酉主之

孟康曰西方金金生於巳盛於酉金之爲物喜以利刃加於萬物故爲喜利刃所加無不寬大故曰寬大也

二陽並行是以王者吉午酉也詩曰吉日庚午注師古曰小雅吉日之詩也其詩曰吉日庚午既差我馬言以庚午之吉日簡擇車馬以出田也

上方之情樂也樂行姦邪辰未主之

孟康曰上方謂北與東也陽氣所萌生故爲上辰窮水也未窮木也翼氏風角曰木落歸本水流歸末故木利在亥水利在辰盛衰各得其所故樂也木窮則無隙不入木上出窮則旁行故爲姦邪下方之情哀也哀行公正戌丑主之

孟康曰下方謂南與西也陰氣所萌生故爲下戌窮火也丑窮金也翼氏風角曰金剛火強各歸其鄉故火刑於午金刑於酉酉午金火之盛也盛時而受刑至窮無所歸故曰哀也火性無所私金性方剛故曰公正

辰未屬陰戌丑屬陽萬物各以其類應今陛下明聖虛靜以待物至萬事雖衆何聞而不諭豈况乎執十二律而御六情於以知下參贊亦甚優矣萬不失一

自然之道也遇正月癸未日加申有暴風從西南來未主姦邪申主貪狼風以大陰下抵建前是人主左右邪臣之氣也

張晏曰初元二年歲在甲戌正月二十二日癸未也太陰在太歲後孟康曰時太陰在末月建在寅風從未下至寅南也建為主氣太陰臣氣也加主氣是人主左右邪臣驗也晉灼曰癸未日風未辰也時加申張說是也

平昌侯比三來見臣皆以正辰加邪時辰為客時為主人以律知人情主者之祕道也愚臣誠不敢以請邪人

張晏曰平昌侯依上末學為時邪也風日加申申知祕道也孟康曰謂乙丑之日也丑為正日加未而來為邪時晉灼曰奉以未為邪時占知平昌侯為邪人此當言皆以邪辰加邪時字誤作正耳不言大邪之見辰時俱邪是也翼氏曰五行動為五音四時散為十二律也

上以奉為中郎召問奉來者以善日邪時孰與邪日善時奉對曰師法用辰不用日

孟康曰假令甲子日子為辰甲為日用子不用甲也

辰為客時為主入見於明主侍者為主入

張晏曰禮君燕見臣則使臣為主入故侍者為主人

北與東為邪晉灼曰以上占推之南方巳午西方酉戌東北寅丑為正西南申未北方亥子東方辰卯為邪

大邪之見侍者雖正辰時俱邪

孟康曰大邪厭小正也

即以自知侍者之邪而時邪辰正見者反邪

孟康曰凡占以見者為本今自知侍者邪而時復邪則邪無所施故屬見者晉灼曰上言中正客見侍者雖邪辰時俱正然則小邪屬主人矣何以知之見者以大正來反我小邪故也

即以自知侍者之正而時正辰邪見者反正

孟康曰己自知侍者正而時復正則正無所施辰雖邪而見者更正也晉灼曰上言大邪客見侍者雖正辰時俱邪然則小正屬主人矣以此法占之即以自知主人之正而時正辰邪矣何以知之見者以大邪來反我小正故也

辰為常事時為一行

孟康曰假令甲子日則一日一夜為子時十二時也日加之行過也

辰疏而時精其效同功必參五觀之然後可知故曰祭其所繇省其進退參之六合五行則可以見人性知人情難用外察從中甚明故詩之為學情性而已五性不相害六情更興廢觀性以歷

張晏曰性謂五行也歷謂日也晉灼曰翼氏五性肝性靜靜行仁甲己主之心性躁躁行禮丙辛主之脾性力力行信戊癸主之肺性堅堅行義乙庚主之腎性智智行敬丁壬主之也

觀情以律

張晏曰情謂六情廉貞寬大公正姦邪陰賊貪狠也律十二律也

明主所宜獨用難與二人共也故曰顯諸仁藏諸用露之則不神獨行則自然矣

淮南子

天文訓

甲子受制木用事火煙青七十二日丙子受制火用事火煙赤七十二日戊子受制土用事火煙黃七十二日庚子受制金用事火煙白七十二日壬子受制水用事火煙黑七十二日而歲終庚子受制歲遷六日以數推之七十歲而復至甲子甲子受制則行柔惠挺羣禁開闔扇通障塞毋伐木丙子受制則舉賢良賞有功立封侯出貨財戊子受制則養老鰥寡行釋囂施恩澤庚子受制則繕牆垣修城郭審羣禁飾兵甲徹百官誅不法壬子受制則閉門閭大搜客斷刑罰殺當罪息關梁禁外徙甲子氣燥濁丙子氣燥陽戊子氣濕濁庚子氣燥寒壬子氣清寒丙子干甲子蟄蟲早出故雷早行戊子干甲子胎天卵鰥鳥蟲多傷庚子干甲子有兵壬子干甲子春有霜戊子干丙子霆庚子干丙子夷壬子干丙子雹甲子干丙子地動庚子干戊子五穀有殃壬子干戊子夏寒雨霜甲子干戊子介蟲不為丙子干戊子大旱菰封燬壬子干庚子大剛魚不為甲子干庚子草木再死再生丙子干庚子草木復榮戊子干庚子歲或存或亡甲子干壬子冬乃不藏丙子干壬子星墜戊子干壬子蟄蟲冬出其鄉庚子干壬子冬雷其鄉

正月指寅十二月指丑一歲而匝終而復始指寅則萬物蟄律受太簇太簇者簇而未出也指卯卯則茂茂然律受夾鍾夾鍾者種始萌也指辰辰則振之也律受姑洗姑洗者陳去而新來也指巳巳則生已定也律受仲呂仲呂者中充大也指午午者忤也律受蕤賓蕤賓者安而服也指未未者昧也律受林鍾林鍾者引而止也指申申者呻也律受夷則夷則者易其則也德以去矣指酉酉者飽也律受南呂南呂者任包大也指戌戌者滅也律受無射無射者入無厭也指亥亥者閑也律受應鍾應鍾者應其鍾也指子子者茲也律受黃鍾黃鍾者鍾已黃也指丑丑者紐也律受大呂大呂者旅旅而去也

太陰在寅朱鳥在卯勾陳在子元武在戌白虎在酉蒼龍在辰寅爲建卯爲除辰爲滿巳爲平主生午爲定未爲執主陷申爲破主衡酉爲危主杓戌爲成主小德亥爲收主大德子爲開主太歲丑爲閉主太陰太陰在寅歲名曰攝提格其雄爲歲星舍斗牽牛以十一月與之晨出東方東井與鬼爲對太陰在卯歲名曰單閼歲星舍須女虛危以十二月與之晨出東方柳七星張爲對太陰在辰歲名曰執徐歲星舍營室東壁以正月與之晨出東方翼軫爲對太陰在巳歲名曰大荒落歲星舍奎婁以二月與之晨出東方角亢爲對太陰在午歲名曰敦牂歲星舍胃昂畢以三月與之晨出東方氐房心爲對太陰在未歲名曰協洽歲星舍鶡鴒參以四月與之晨出東方尾箕爲對太陰在申歲名曰涇灘歲星舍東井與鬼以五月與之晨出東方斗牽牛爲對太陰在酉歲名曰作鄂

歲星舍柳七星張以六月與之晨出東方須女虛危爲對太陰在戌歲名曰閭茂歲星舍翼軫以七月與之晨出東方營室東壁爲對太陰在亥歲名曰大淵獻歲星舍角亢以八月與之晨出東方奎婁爲對太陰在子歲名曰困敦歲星舍氐房心以九月與之晨出東方胃昂畢爲對太陰在丑歲名曰赤奮若歲星舍尾箕以十月與之晨出東方鶡鴒參爲對太陰在寅子刑德合東方官常徙所不勝合四歲而離離十六歲而復合所以離者刑不得入中宮而徙於木太陰所居曰德辰爲刑德綱曰自倍因柔曰徙所不勝刑水辰之木木辰之金金火立其處凡徙諸神朱鳥在太陰前一鈞陳在後三元武在前五百虎在後六虛星乘鈞陳而天地襲矣凡日甲剛乙柔丙剛丁柔以至於癸木生於亥壯於卯死於未三辰皆木也火生於寅壯於午死於戌三辰皆火也土生於申壯於戌死於寅三辰皆土也金生於巳壯於酉死於丑三辰皆金也水生於申壯於子死於辰三辰皆水也故五勝生一壯五終九五九四十五故神四十五日而一徙以三應五八徙而歲終

太陰治春則欲行柔惠溫涼太陰治夏則欲布施宣明太陰治秋則欲修備繕兵太陰治冬則欲猛毅剛強三歲而改節六歲而易常故三歲而一饑六歲而一衰十二歲而一康甲齊乙東夷丙楚丁南夷戊魏己韓庚秦辛西夷壬衛癸越子周丑翟寅楚卯鄭辰晉己衛午秦未宋申齊酉魯戌趙亥燕甲乙寅卯木也丙丁巳午火也戊己巳午土也庚辛申酉金也壬癸亥子水也水生木木生火火生土土生金金生水

千生母曰義母生子曰保子母相得曰專母勝子曰制子勝母曰困以勝擊殺勝而無報以專從事而有功以義行理名立而不墮以保畜養萬物蕃昌以困舉事破滅死亡北斗之神有雌雄十一月始建於子月從一辰雄左行雌右行五月合午謀刑十一月合子謀德太陰所居辰爲厭日厭日不可以舉百事堪輿行雄以音知雌故爲奇辰數從甲子始子母相求所合之處爲合十日十二辰周六十日凡八合合於歲前則死亡合於歲後則無殃甲戌燕也乙酉齊也丙午越也丁巳楚也庚申秦也辛卯戎也壬子越也癸亥胡也戊戌己亥韓也己酉己卯魏也戊午戊子八合天下也太陰小歲星日辰五神皆合其日有雲氣風雨國君當之天神之貴者莫貴於青龍或曰天一或曰太陰太陰所居不可背而可鄉北斗所擊不可與敵天地以設分而爲陰陽陽生於陰陰生於陽陰陽相錯四維乃通或死或生萬物乃成設行嗟息莫貴於人孔竅肢體皆通於天有九重人亦有九竅天有四時以制十二月人亦有四肢以使十二節天有十二月以制三百六十日人亦有十二肢以使三百六十節故舉事而不順天者逆其生者也以日冬至數來歲正月朔日五十日者民食足不滿五十日日減一斗有餘日日益一升有其歲可也攝提格之歲歲早水晚早稻疾蠶不登救麥昌民食四升寅在甲日關蓬單閼之歲歲和稻菽麥蠶昌民食五升卯在乙日旃蒙執徐之歲歲旱早晚水小饑蠶閉麥熟民食三升辰

在丙曰禾兆

大荒落之歲歲有小兵蠶小登麥昌菽疾民食二升已在丁曰強圉

敦牂之歲歲大旱蠶登稻疾菽麥昌禾不爲民食二升午在戊曰著離

協洽之歲歲有小兵蠶登稻昌菽麥不爲民食三升未在己曰屠維

涒灘之歲歲和小雨行蠶登菽麥昌民食三升申在庚曰上章

作鄂之歲歲有大兵民疾蠶不登菽麥不爲木蟲民食五升酉在辛曰重光

掩茂之歲歲小饑有兵蠶不登麥不爲菽昌民食七升戌在壬曰元默

大淵獻之歲歲有大兵大饑蠶聞菽麥不爲木蟲民食三升

困敦之歲歲大霧起大水出蠶稻麥昌民食三斗子有癸曰昭陽

赤奮若之歲歲有小兵旱水蠶不出稻疾菽不爲麥昌民食一升

白虎通

五行篇

少陽見寅寅者演也律中太簇律之言率所以率氣令生也卯者茂也律中夾鍾衰於辰辰震也律中姑洗其日甲乙者萬物乎中也乙者物蕃屈有節欲出時爲春春之爲言俗俗動也位在東方其色青其音角角者氣動躍也其帝太皞皞者大起萬物擾也其神勾芒者物之始生其精青龍芒之爲言萌也陰中

散也

午午也陰氣從下上與陽相件逆也於易爲離離麗也物皆附麗陽氣以茂也

未昧也日中則景向幽昧也

申身也物皆成其身體各申束之使備成也

酉秀也秀者物皆成也於易爲兌兌悅也物得備足皆喜悅也

戌恤也物當收斂於恤之也亦言脫也落也

亥核也收藏百物核取其好惡真偽也亦言物成皆堅核也

甲孚也萬物解孚甲而生也

乙軋也自抽軋而出也

丙炳也物生炳然皆著見也

丁壯也物體皆丁壯也

戊茂也物皆茂盛也

己紀也皆有定形可紀識也

庚猶更也庚堅強貌也

辛新也物初新者皆收成也

壬妊也陰陽交物懷妊也至于子而萌也

癸揆也揆度而生乃出之也

說文

十干

甲東方之孟陽氣萌動从木戴孚甲之象

乙象春草木冤曲而出陰氣尚強其出乙乙也與一同意乙承甲象人頸

丙位南方萬物成炳然陰氣初起陽氣將虧从一入門一者陽也

丁夏時萬物皆丁實丁承丙象人心

戊申宮也象六甲五龍相拘絞也戊承丁象人脅

己申宮也象萬物辟藏訕形也已承戊象人腹

庚位西方象秋時萬物庚庚有實也庚承己象人齋

辛秋時萬物成而孰金剛味辛辛痛即泣出从一从

辛辛皋也辛承庚象人股

壬北方位也陰極陽生象人裏妊之形壬承辛象人

脛

癸冬時水土平可揆度也象水從四方流入地中之

形癸承壬象人足

十二支

子十一月陽氣動萬物滋入以爲備

丑紐也十二月萬物動用事象手之形時加丑亦舉

手時也

寅體也正月陽氣動去黃泉欲上出陰尚彊象六不

達體寅於下也

卯冒也二月萬物冒地而出象開門之形故二月爲

天門

辰震也三月陽氣動奮電振民農時也物皆生从乙

匕象芒蓬丁聲也

巳巳也四月陽氣已出陰氣已藏萬物見成文章故

巳爲蛇象形

午悟也五月陰氣午逆陽冒地而出

未味也六月滋味也五行木老於未象木重枝葉也

申神也七月陰氣成體自申東

酉就也八月黍成可爲酎酒象古文酉之形

戌滅也九月陽氣微萬物畢成陽下入地也五行土

生於戌盛於戌从戌含一

亥亥也十月微陽起接盛陰从二二古文上字一人

男一八女也从乙象孺子咳咳之形

博雅

干支雜釋

甲乙爲幹幹者日之神也寅卯爲枝枝者月之靈也

甲剛乙柔丙剛丁柔戊剛己柔庚剛辛柔壬剛癸柔

晉書

樂志

正月之辰謂之寅寅者津也謂生物之津塗也二月

之辰名爲卯卯者茂也言陽氣生而羣茂也三月之

辰名爲辰辰者震也謂時物盡震動而長也四月之

辰謂爲巳巳者起也物至此時畢盡而起也五月之

辰謂爲午午者長也大也言物皆長大也六月之辰

謂之未未者味也言時萬物向成有滋味也七月之

辰謂爲申申者身也言時萬物身體皆成就也八月

之辰謂爲酉酉者縮也謂時物皆縮也九月之辰

謂爲戌戌者滅也謂時物皆衰滅也十月之辰謂爲

亥亥者劓也言時陰氣初殺萬物也十一月之辰謂

爲子子者孽也謂陽氣至此更孽生也十二月之辰

謂爲丑丑者紐也言終始之際以紐結爲名也

漏刻經

定太陽出沒法

正月出乙入庚方二八出兔入雞場三十癸甲入辛

地四六生寅入犬藏五月生艮歸乾上仲冬出巽入

坤方惟有十與十二月出辰入申子細詳

約十二時

半夜子雞鳴丑平日寅日出卯食時辰禺中巳日中

午日昃未哺時申日入酉黃昏戌眠定亥

夢溪筆談

干支總考

六十甲子有納音解原其意蓋六十律旋相爲宮法

也一律含五音十二律納六十音也凡氣始於東方

而右行音起於西方而左行陰陽相錯而生變化所

謂氣始於東方者四時始於木右行傳於火火傳於

土土傳於金金傳於水所謂音始於西方者五音始

於金左旋傳於火火傳於木木傳於水水傳於土

納音與易納甲同法乾納甲而坤納癸始於乾而

終於坤納音始於金金乾也終於土土坤也

納音之法同類娶妻隔八生于此律呂相生之法也

五行先仲而後孟孟而後季此通甲三元之紀也甲

子金之仲黃鍾同位娶乙丑

大呂之商同位謂甲與乙丙與丁之類下皆倣此

隔八下生壬申金之孟

夷則之商隔八謂大呂下生夷則也下皆倣此

壬申同位娶癸酉之商隔八上生庚辰金之季

姑洗之商此金三元終若只以陽辰言之則依遁

甲逆傳仲孟季若兼妻言之則順傳孟仲季也

庚辰同位娶辛巳之商隔八下生戊子火之仲

黃鍾之徵金三元終則左行傳南方火也

戊子娶己丑之徵生丙申火之孟則丙申娶丁酉

之徵生甲辰火之季之徵甲辰娶乙巳之徵生壬子

水之仲

黃鍾之角火三元終則左行傳於東方木

如是左行至於丁巳中呂之宮五音一終復自甲子金之仲娶乙未隔八生壬寅一如甲子之法終於亥上生木辰之運至於巳為陽故曰晝鐘至於中呂皆下生自午至於亥為陰故曰夜鐘至於應鐘皆上生

甲子乙丑金與甲午乙未金雖同然甲子乙丑為陽律陽律皆下生甲午乙未為陽呂陽呂皆上生六十律相以所以分為一紀也

易有納甲之法未知起於何時予嘗考之可以推見天地胎育之理乾納甲子坤納乙亥者上下包之也震巽坎離艮兌納庚辛戊己丙丁者六子生於乾坤之包中如物之處胎甲者左三剛交乾之氣也右三柔交坤之氣也乾之初爻交於坤生震故震之初爻納子午

乾之初爻于午故也

中爻交於坤生坎初爻納寅申

震納子午順傳寅申陽道順

上爻交於坤生艮初爻納辰戌

亦順傳也

坤之初爻交於乾生巽故巽之初爻納丑未

坤之初爻丑未故也

中爻交於乾生離初爻納卯酉

巽納丑未逆傳卯酉陰道逆

上爻交於乾生兌初爻納巳亥

亦逆傳也

乾坤始於甲乙則長男長女乃其次宜納丙丁少男少女居其末宜納庚辛今乃反此者卦必自下生无

初爻交中爻末乃至上爻此易之敘然亦胎育之理也物之處胎甲莫不倒生自下而生者卦之敘而冥合造化胎育之理此至理合自然者也

凡草木自穀之實皆倒生首系於幹其上抵於穎處反是根人與禽獸生胎亦首皆在下

甲子 丙午 戊辰 庚申 壬寅

乾 生艮 生坎 生震 乾

坤 生兌 生離 生巽 坤

乙卯 丁未 己酉 辛丑 癸巳

補筆談

下文總考

子午屬庚

此納甲之法庚初爻納庚子庚午也

丑未屬辛

巽初爻納辛丑辛未也

卯酉屬己

離初爻納己卯己酉也

寅申屬戊

坎初爻納戊寅戊申也

辰戌屬丙

艮初爻納丙辰丙戌也

己亥屬丁

兌初爻納丁己丁亥也

一言而得之者宮與土也

假命庚子庚午一言便得庚辛丑辛未一言便得

辛戌寅戌申一言便得戊己卯己酉一言便得己

故皆屬土餘倣此

三言而得之者徵與火也

假令戊子戊午皆三言而得庚己丑己未皆三言

而得辛丙寅丙申皆三言而得戊丁卯丁酉皆三

言而得己故皆屬火

五言而得之者羽與木也

假令丙子丙午皆五言而得庚丁丑丁未皆五言

而得辛甲寅甲申皆五言而得戊乙卯乙酉皆五

言而得己故皆屬木

七言而得之者商與金也

假令甲子甲午皆七言而得庚乙丑乙未皆七言

而得辛壬寅壬申皆七言而得戊癸卯癸酉皆七

言而得己故皆屬金

九言而得之者角與木也

假令壬子壬午皆九言而得庚癸丑癸未皆九言

而得辛庚寅庚申皆九言而得戊辛卯辛酉皆九

言而得己故皆屬木

此出於抱朴子云是河圖玉版之文然則一何以屬

土三何以屬火五何以屬金其說云中央黔天之氣

一南方丹天之氣三北方元天之氣五西方素天之

氣七東方蒼天之氣九皆奇數而無偶故皆莫知何

義都不可推考

五行之時謂之五辰者春夏秋冬各主一時以四時

分屬五行則春夏秋冬雖屬木火金水而建辰建未

建戌建丑之月各有十八日屬土故不可以時言須

當以月言月謂之十二辰則五行之時謂之五辰也

黃帝素問有五運六氣所謂五運者甲己為土運乙

庚為金運丙辛為水運丁壬為木運戊癸為火運如

甲己所以爲土戊癸所以爲火多不知其音乎按素問五運大論黃帝問五運之所始於岐伯引太始天元開文曰始於戊己之分所謂戊己分者奎壁角軫則天地之門戶也王冰注引遁甲六戊爲天門六己爲地戶天門在戌亥之間奎壁之分地戶在辰巳之間角軫之分凡陰陽皆始於辰

上篇所論十二月謂之十二辰十二支亦謂之十二辰十二時亦謂之十二辰日月星謂之三辰五行之時謂之五辰

五運起於角軫者亦始於辰也甲己之歲戊己齡天之氣經於角軫故爲土運戊辰己巳也

角屬辰軫屬巳甲己之歲得戊辰己巳干皆土故爲土運下皆同此

乙庚之歲庚辛素天之氣經於角軫故爲金運庚辰辛巳也

丙辛之歲壬癸元天之氣經於角軫故爲水運壬辰癸巳也

丁壬之歲甲乙蒼天之氣經於角軫故爲木運甲辰乙巳也

戊癸之歲丙丁丹天之氣經於角軫故爲火運丙辰丁巳也

素問曰始於奎壁角軫則天地之門戶也凡運臨角軫則氣在奎壁以應之氣與運常司天地之門戶故曰土位之下風氣承之者甲己之歲戊己土臨角軫則甲乙木在奎壁

奎屬戌壁屬亥甲己之歲得甲戌乙亥下皆同此

曰金位之下火氣承之者乙庚之歲庚辛金臨角軫

則丙丁火在奎壁

曰水位之下土氣承之者丙辛之歲壬癸水臨角軫則戊己土在奎壁

曰風位之下金氣承之者丁壬之歲甲乙木臨角軫則庚辛金在奎壁

曰相火之下水氣承之者戊癸之歲丙丁火臨角軫則壬癸水在奎壁

古今言素問者皆莫能喻故具論於此

世之言陰陽者以十干寄於十二支各有五行相從唯戊己則常與丙丁同行五行家則以戊寄於己己寄於午六壬家亦以戊寄於巳而以己寄於未

唯素問以奎壁爲戊分角軫爲己分奎壁在戌亥之間謂之戊分則戊當在戌也角軫在辰巳之間謂之己分則己當在辰也遁甲以六戊爲天門在戌亥之間則戊亦當在戌六己爲地戶在辰巳之間則己亦當在辰辰戌皆土位故戊己寄焉二說正相合括字

書戊從戊從一則戊寄於戌蓋有從來辰文從丁從丁從乙從己則己寄於辰與素問遁甲相符矣五行土常與水相隨戊陽土也一水之生數也水乃金之子水寄於西方金之末有生水也而旺土包之相

成之理如是己陰土也六水之成數也水乃木之母水寄於東方木之末有木也而旺土包之相

下者水土之墓也二字之可居者乙隱也

瑞柱堂暇錄

納音

六十甲子之有納音何也曰此以金木水火土之音而明之也律一六爲水二七爲火三八爲木四九爲

金五十爲土然五行之中惟金木有自然之音水火土必相假而後爲音蓋水假土火假木土假火故金音四九木音二八水音五十火音一六土音三七此

不易之論也何以言之甲己子午九也乙庚丑未八也丙辛寅申七也丁壬卯酉六也戊癸辰戌五也巳亥四也甲子乙丑其數三十有四四者金之音也故曰金戊辰己巳其數二十有三三者木之音也故曰

木庚午辛未其數三十有二二者火也土以火爲音故曰土甲申乙酉其數三十者土也水以土爲音故曰水戊子己丑其數三十有一者水也火以水爲音故曰火凡六十皆然此納音之所起也夫天地自

然之數河圖生數也生者左旋故以中央之土而生西方之金西方之金而生北方之水北方之水而生東方之木東方之木而生南方之火南方之火而生中央之土洛書尅數也尅者右轉故以中央之土而尅北與西北之水北與西北之水而尅西與西南之火西與西南之火而尅南與東南之金南與東南之金而尅東與東北之木東與東北之木而尅中央之土此圖書生尅自然之數也

百怪斷經

噓噴占

子時主酒食丑時主女思寅時主女相和卯時主財喜辰時主酒食巳時主人來財午時主有客來未時主酒食申時主驚不利酉時主主人來求戌時主和合亥時主吉利

服跳占

此爲試讀，需要完整PDF請訪問：www.ertongbook.com

子時左主貴右主酒食丑時左主憂右主人思寅時
左主人右主吉卯時左主貴人右主平安辰時左
主客來右主害巳時左主酒食右主凶午時左主得
意右主凶未時左主吉右主喜申時左主財右主文
思酉時左主貴信右主客至戌時左主他喜右主酒
食亥時左主貴人右主官事

心驚占

子時有女人思丑時惡事不利寅時有客來卯時有
酒食辰時有喜事巳時有大獲午時有酒食未時有
女人思申時主喜事酉時主喜信戌時有官客至亥
時主惡服夢怪大凶

耳鳴占

子時左主女思右主失財丑時左主他喜右主口舌
寅時左主失物右主心急卯時左主坎呵右主客至
辰時左主得意右主行人至巳時左主凶右主大吉
午時左主信右主親人至未時左主他役右主遠人
來申時左主人右主吉酉時左主失財右主吉戌
時左主遠行右主康亥時左主吉右主凶

耳熱占

子時主有僧道來議事丑時主有喜事大吉寅時主
有酒食卯時主有遠人來辰時主有喜事大吉巳時
主失財物不利午時主有喜事來未時主有奇獲申
時主有客來酒食酉時主女子至婚事戌時主有爭
訟口舌亥時主有詞訟口舌

鴉鳴占

寅卯時正東送物東南爭正南吉西南吉正西外人
思西北酒食正北口舌東北病辰巳時正東風雨東

南女客至正南相命西南爭正西官訟西北貴人至
正北相命東北親至午時正東爭東南親客正南爭
西南不寧正西送物西北酒食正北六畜至東北送
物未申時止東凶東南凶信正南遠信西南大雨正
西吉西北親客正北失物在東北客至酉時正東公
事東南外服正南故人西南相召正西客至西北失
物正北病東北客至

釋編

干支數

子午之數九丑未八寅申七卯酉六辰戌五巳亥四
注自太極函三爲一故參一爲三子一陽生故成於
寅而備於申故自子至申其數九自丑至申其數八
自寅至申其數七自卯至申其數六自辰至申其數
五自巳至申其數四故女起于申午一陰生成於申
而備於寅故自午至寅其數九自未至寅其數八自
申至寅其數七自酉至寅其數六自戌至寅其數五
自亥至寅其數四故男起內寅甲己之數九乙庚八
丙辛七丁壬六戊癸五注自甲至壬其數九自乙至
壬其數八自丙至壬其數七自丁至壬其數六自戊
至壬其數五乾天道順行以壬爲始自己至丁其數
九自庚至丁其數八自辛至丁其數七自壬至丁其
數六自癸至丁其數五坤地道逆行以丁爲始愚按
世俗輓數算法蓋本於此而不知其所以然觀此可
以見矣

欽定古今圖書集成曆象彙編歲功典

第一百三卷目錄

千支部總論

夢溪筆談 辰名

蠡海集 千支總論

稗編 太乙六壬諸法 論術刑害鬼煞 十辰所肖 朱升八卦納甲圖說

千支部藝文

六甲詩

十二屬詩

讀十二辰詩卷掇其餘作此聊奉一笑

次韻十二辰體

千支部選句

陳沈炯

前人

宋朱嘉

方岳

歲功典第一百三卷

千支部總論

夢溪筆談

辰名

事以辰名者為多皆本于辰巳之辰今略舉數事十二支謂之十二辰一時謂之一辰一日謂之一辰日月星謂之三辰北極謂之北辰大火謂之大辰五星中有辰星皆謂之辰今考子丑至于戌亥謂之十二辰者左傳云日月之會是謂辰一歲日月十二會于

東方蒼龍角亢之舍起於辰故以所首者名之子丑戌亥既謂之辰則十二支十二時皆于丑戌亥謂之辰無疑也一日謂之辰者以十二支言也以十干言之謂之今日以十二支言之謂之今辰故支干謂之日辰日月星謂之三辰者日月星至于辰而畢見以其所首者名之故皆謂之辰

四時所見有早晚至辰則四時畢見故日加辰為晨謂日始出之時也

蠡海集

千支總論

納甲之說自甲為一至壬為九陽數之始終也故歸乾易順數也乙為二至癸為十陰數之始終也故歸坤易逆數也乾一索而得男為震坤一索而得女為巽故庚入震辛入巽乾再索而得男為坎坤再索而得女為離故戊趨坎己趨離乾三索而得男為艮坤三索而得女為兌故丙從艮丁從兌陽生於北而咸於南故乾始甲子而中以壬午陰生於南而成於北故坤始乙未而中以癸丑震巽一索也故庚辛始於子丑坎離再索也故戊己始於寅卯艮兌三索也故丙丁始於辰巳也

又一說乾坤者二氣之正位也坎離者二氣之交互也正位則始終全備故甲午歸乾乙亥歸坤交互則往來處中故戊歸坎己歸離震巽乃受氣之始故庚辛歸焉艮兌乃生化之終故丙丁歸焉乾坤位陰陽之極故子午丑未配於甲子乙亥父母總攝內外之義震巽長男長女為初索是以子丑配庚辛坎離中男中女為再索是以寅卯配戊己艮兌少男少女為

三索是以辰巳配丙丁納之為言受也容受六甲於八卦中也易者逆也數皆以逆而推之羊刃之說祿前一位是也祿過則刃生蓋貴人位前必列兵以此為喻但值陽干方為陰干則否如甲卯丙午甲既祿於寅前值卯方為真蓋寅卯一氣之木也乙祿卯前值辰非同類故否然則陽性暴故借羊之狠以譬之至亥子平中以奪財羊刃名之者有逞暴凌劫之意也他可類推

戊己兩干寄祿巳午子寅母家之義雖然戊見午刃則不可一途而取戊既依母而祿刃乃一氣火也俱有生土之意故戊日得火多則為印也己則否己祿於午午前則未為刃未巳連屬土則非戊午之比也陰錯陽差有十二日蓋六十甲子分為四段自甲子己卯甲午己酉各得十五辰甲子之前三辰值辛酉壬戌癸亥為陰錯己卯之前三辰值丙子丁丑戊寅為陽差甲午之前三辰值辛卯壬辰癸巳為陰錯己酉之前三辰值丙午丁未戊申為陽差蓋四段中每段除十二辰各餘三辰三四亦得十二辰是為陰錯陽差也甲子甲午為陽辰故有陰錯己卯己酉為陰辰故有陽差也

又一說甲子甲午己卯己酉之前各三辰者以天干配地支一周之後所餘三辰也甲配子而歷盡於乙亥故丙子丁丑戊寅為陽錯己配卯而歷盡於庚寅故辛卯壬辰癸巳為陰差也丙午丁未戊申為陽差辛酉壬戌癸亥為陰錯者就甲子己酉上同此類推地支內所藏天干者子午卯酉為四極奇四祿焉辰戌丑未為四藏偶四藥焉故此八支各藏一陰十寅

中巳亥爲四開闢就生四祿焉故各藏一陽于戊藏於辰戌巳藏於丑未陰陽各歸其所戊藏於巳巳藏於午則亦就寄祿而藏焉

千有十支有十二干不配肖屬而支配者天賦氣地成形也人所以稱肖屬及支而不及干者父施氣母有形也身依母而生然人姓獨稱父者原其受氣之本也

十二肖屬子爲陰極幽潛隱晦以鼠配之風藏迹午爲陽極顯易剛健以馬配之馬快行丑爲陰俯而慈愛以牛配之牛舐犢未爲陽仰而秉禮以羊配之羊跪乳寅爲三陽陽勝則暴以虎配之虎性暴中爲三陰陰勝則點以猴配之猴性點卯酉爲日月二門二肖皆一竅免祇雄毛而孕感而不交也雞合踏而無形交而不感也辰巳陽起而變化龍爲盛蛇犬之故龍蛇配辰巳龍蛇者變化之物也戌亥陰微而持守狗爲盛猪犬之故狗猪配戌亥狗猪者鎮靜之物也或云皆取不全之物配肖屬者非也庶物萬類豈特十二哉况無義理不足信也明矣

納音之說有一法見於內經論奧然其中亦欠詳備故復取其說而撮其長者以立一家之論蓋甲子爲取乙丑以爲妻隔八而生子陽生陽爲男陰生陰爲女至壬申爲甲之男至癸酉爲乙之女壬申癸酉至庚辰辛巳亦然自庚辰辛巳數三轉而回南爲戊子己丑火自戊子陽火隔八而生丙申男己丑陰火隔八而生丁酉女丙申丁酉至甲辰乙巳亦然又自甲辰乙巳數三轉而回東爲壬子癸丑木自壬子癸丑至庚申辛酉自庚申辛酉至戊辰己巳亦然又自戊

辰己巳數三轉而向北爲丙子丁丑水自丙子丁丑至甲申乙酉自甲申乙酉至壬辰癸巳亦然又自壬辰癸巳數三轉而中央爲庚子辛丑土自庚子辛丑至戊申己酉自戊申己酉至丙辰丁巳亦然又自丙辰丁巳數三轉而向西則復爲金矣夫金爲氣之始全有聲聲言氣是以樂必以金先之也人之身亦然肺經爲諸藏先是以有納音之意焉然五行各行三者三生萬物之義也氣生金金出鑽須火以成材火資木以驕焰木藉水而生榮五行皆賴土以成立故火木水土爲次序也

陰陽皆地支六合者日月會於子則斗建丑日月會於丑則斗建子故子與丑合也日月會於寅則斗建亥日月會於卯則斗建寅故寅與卯合也日月會於辰則斗建辰故辰與酉合也日月會於巳則斗建巳故巳與申合也日月會於午則斗建未日月會於未則斗建午故午與未合也

六害者蓋衝損合神故爲害也我之和合被其衝損豈不爲害乎子與丑合而未衝丑與子合而午衝子故子害未而丑害午寅與亥合而已衝亥與寅合而申衝寅故寅害巳亥害申卯與戌合而辰衝戌戌與卯合而酉衝卯故卯害辰戌害酉也地支之上橫則爲合豎則爲害橫豎皆六者是名六合六害衝者乃云六爲六親者非也

十干中萬物之始生氣之原草木初生破土而出必有兩葉葉中透氣故甲字象形如兩葉相抱也乙甲

陽乙陰甲既出而陽已露於上根必下盤以爲固故乙字亦象形如草木之根屈曲也丙火炎上而銳長養於南離炳然而爛爛乃其盛也下虛而上齊故丙丁之字皆平頭丁者壯也萬物至盛夏莫不皆壯居正陽之位適足與陰相當故丁又有相當之義戊萬物依土而生四行依土而立戊配陽土戊茂也物得而茂又茂有成之義故能爲物之始終已爲陰土不能獨爲必因陽以用起己巳也依陽而起從陽而已亦始終之義爾庚西方金氣爲秋萬物歷離明燥極至秋金則微陰始生物得庚庚者更也辛者新也金爲成實物至秋而收斂變陽而爲陰一新之意存焉壬物無終絕之理將盡必復生北方冬水物氣將盡故先含生意壬者妊也物至此而懷妊也癸者揆也物出有歸閉藏爲終終遂天真同歸一揆也

十二支子爲一陽北方至陰一陽至萌生氣之端故子者孽也以含孕育之義丑者紐也微陽雖生而體尙弱未免艱澀故紐結而未伸也寅居東北陰陽之交離陰而詣陽敷布而條暢寅者演也萬物至此而廣演矣卯位正東日出之所融和之方物至此而咸得茂盛卯者茂也辰者震也陽氣至此已盛陽主動動則變化生焉物皆得遂其所也巳爲純陽居於生長之方萬物盛起氣浮於表故曰巳者起也午者陽已極而陰初萌陽出於上陰潛於下有相忤之意又曰午者大也物至此而無不大也未陽已過盛而陰漸臨陰陽交際已成實也物既實則有味存焉未者味也申氣歷南維而陽極至西南而陰始回陰陽既調物情得伸故申者伸也酉者會也陰之首也是

以夷狄之帥爲會長陰氣收斂萬物猶緒也戊者滅也陽氣至此而將滅九月霜隕木衰水泉即涸也亥純陰既極物無終盡核猶存莖根也核種也莖葉雖敗根種自存生生之義也

萬物之所爲以生者必由氣氣者何金也金受氣順行則爲五行之體逆行則爲五行之用順行爲五行之體者金生水水生木木生火火生土冬至起曆之元自冬而春春而夏夏而長夏夏而歸於秋返本歸原而收斂也逆行爲五行之用者金出鑛而從革於火以成材成材則爲有生之用然火非木不生必循木以繼之木必依水以滋榮水必托土以止畜故木而水而土是則四行之類土以定位故大撓作甲子分配五行爲納音蓋金能受聲而宣氣故也法曰甲娶乙妻隔八生子子生孫而後行繼代其位初一日金金爲氣居先甲爲受氣之始甲娶乙妻隔八壬申是爲子矣壬娶癸妻隔八庚辰是爲孫矣庚娶辛妻隔八戊子火代其位次二曰火火繼其後戊娶己妻隔八丙申是爲子矣丙娶丁妻隔八甲辰是爲孫矣甲娶乙妻隔八壬子木代其位次三曰木木繼其後壬娶癸妻隔八庚申是爲子矣庚娶辛妻隔八戊辰是爲孫矣戊娶己妻隔八丙子水代其位次四曰水水繼其後丙娶丁妻隔八甲申是爲子矣甲娶乙妻隔八壬辰是爲孫矣壬娶癸妻隔八庚子土代其位次五曰土土娶辛妻隔八戊子土是爲子矣戊娶己妻隔八丙辰是爲孫矣丙娶丁妻隔八甲子金復代其位原缺八字是故有五子歸庚之說道家者流取其義用配五方之位自子干頭數至庚字則爲其

數甲子金自甲數至七逢庚則西方金得七氣戊子火自戊數至三逢庚則南方火得三氣壬子木自壬數至九逢庚則東方木得九氣丙子水自丙數至五逢庚則北方水得五氣庚子土則自得一爲中方一氣是爲五子歸庚也乃知金者受氣之先順行則爲五行之體逆行則爲五行之用故六十甲子納音者以充萬物之用也

六十花甲子者未知始於何人凡稱其姓名未審其實否或曰妻景或曰東方朔難以爲信其有注釋亦未見親切不得其要領故也予因思之五行之中干支配合于寓其氣支寓其位斯理生焉是故甲乙爲氣之始丙丁爲氣之壯戊己爲氣之化庚辛爲氣之成壬癸爲氣之終子丑幽陰寅卯生發辰巳長養午未高明申酉死絕戌亥休息錯綜配合以成花甲子之名其間旁引側取又存乎權但歸於理不可一途而取也 甲子乙丑海中金甲乙金氣之始子丑北方幽陰之鄉幼稚之金沉於水底故曰海中金 壬寅癸卯金箔金壬癸金氣之中氣終則致用致用之金位於東方金氣死絕之地故曰金箔金 庚辰辛巳白錫金庚辛金之成寄托辰巳生養之地大干復連其色西方之行純乎得宜故曰白錫金 甲午乙未沙石金甲乙金氣之始午未南方離明火鄉弱金豈能勝旺火故曰沙石金 壬申癸酉劍鋒金壬癸金氣之終成質之金位於西方旺地遂其肅殺之用故曰劍鋒金 庚戌辛亥釵釧金庚辛金氣之成居於戌亥休息之鄉玩成其質以充其用故曰釵釧金 壬子癸丑桑柘木壬癸木氣之終位於北方依傍

母鄉得以滋養而茂榮故曰桑柘木 庚寅辛卯松柏木庚辛木氣之終居於生發旺鄉挺然獨秀凌霜傲雪故曰松柏木 戊辰己巳大林木戊己木氣之化居東南長養之方叢生競茂故曰大林木 壬午癸未楊柳木壬癸木氣之終處於南離火位耗散真化空虛不實故曰楊柳木 庚申辛酉石榴木庚辛木氣之成處於死絕之地體雖不弱成氣有歸則子實繁多故曰石榴木 戊戌己亥平地木戊己不意之化化臨長生休息之間得遂其性故曰平地木 丙子丁丑潤下水丙丁水氣之壯下臨坎宮壯氣宜行源源不絕故曰潤下水 甲寅乙卯大溪水甲乙水氣之始處乎生發山林之地注瀉無窮故曰大溪水 壬辰癸巳長流水壬癸水氣之終辰巳長養東南水所奔赴無有休息故曰長流水 丙午丁未天河水丙丁水氣之壯處乎南離高明之位水行天上故曰天河水 甲申乙酉井泉水甲乙水氣之始加於長生母鄉來之不窮用之不竭故曰井泉水 壬戌癸亥大海水壬癸水氣之終至於戌亥休息之所終聚不散故曰大海水 戊子己丑霹靂火戊己火氣之化伏以坎水幽陰微而苦變化不窮故曰霹靂火 丙寅丁卯爐中火丙丁火氣之旺臨於長生母地得其所養故曰爐中火 甲辰乙巳覆燈火甲乙火氣之始氣質微而稚弱位屬長養處乎風木之間雖明而不顯故曰覆燈火 戊午己未天上火戊己火氣之化升於南離旺鄉威勢赫烈以遂炎上故曰天上火 丙申丁酉山下火丙丁火氣之壯臨於西方衰降死絕而炎上之用退閑故曰山下火 甲戌

乙亥山頭火甲乙火氣之始而居戌亥休息之鄉歸於無用猶野火然况戌亥久為乾元尊首之上故曰山頭火 庚子辛丑壁上土庚辛土氣之成位於子丑水土之交泥塗之類未能為生育之用故曰壁上土 戊寅己卯城頭土戊己土氣之化寅卯生發山林之傍故為故曰城頭土 丙辰丁巳沙中土丙丁土氣之壯辰巳木火長養之間充極乾燥不能成稼穡之功故曰沙中土 庚午辛未路傍土庚辛土氣之成氣充離明之地任載馳驅故曰路傍土 戊申己酉大驛土戊己土氣之化氣化而得長生之位力勝厚重又申傳送故曰大驛土 丙戌丁亥屋上土丙丁土氣之壯托於母墓休息而不用寓於乾尊之上故曰屋上土

或問曰先天之數何緣而起余答曰數極於九自九逆退取之故甲乙子午九乙庚丑未八丙辛寅申七丁壬卯酉六戊癸辰戌五天干已盡而地支獨遺已亥是以已亥得四終焉况夫亥為天門已為地戶純陰純陽之位為開闔之樞所以關鍵五行也

或問曰後天之數又何所取起答曰數用陽生而陰成陰生而陽成壬子陽一生癸亥陰六成一六水之生成也丁巳陰二生丙午陽七成二七火之生成也甲寅陽三生乙卯陰八成三八木之生成也辛酉陰四生庚申陽九成四九金之生成也辰戌陽五生丑未陰十成五十土之生成也獨遺戊己土以百數歸之用包衆數為該括之司所囊五行也

五行納音乃取先天之數總算天干地支陰陽雙位得其數而以五除之以餘而定五行古之洪範五行

一水二天三木四金五土今用一為火二為土三為木四為金五為水金木自然之聲不假施為而得故從舊火為地二之行水沃之而後有聲是以火居一土居二木居三金居四水居五此乃緣聲而取義也受者納也聲者音也故曰納音焉假如甲子乙丑金者甲得九子得九乙得八丑得八共三十四除去五六三十所餘者四故為金丙寅丁卯火者丙得七寅得七丁得六卯得六共二十六除去五五二十五所餘者一故為火戊辰己巳木者戊得五辰得五己得九巳得四共二十三除去四五二十所餘者三故為木庚午辛未土者庚得八午得九辛得七未得八共三十二除去五六三十所餘者二故為土又如丙子丁丑水者丙得七子得九丁得六丑得八共三十數足五不用除故為水也餘倣此

天乙貴人當有陽貴陰貴之分蓋陽貴起於子而順陰貴起於申而逆此神實得陰陽配合之和故能為吉慶可解厄厄也且如陽貴以甲加子甲與己合所以己用子為貴人以乙加丑乙與庚合所以庚用丑為貴人以丙加寅丙與辛合所以辛用寅為貴人以丁加卯丁與壬合所以壬用卯為貴人辰為天罡貴人不臨以戌加巳戌與癸合所以癸用巳為貴人午沖子原不數以己加未己與甲合所以甲用未為貴人以庚加申庚與乙合所以乙用申為貴人以辛加酉辛與丙合所以丙用酉為貴人戌為河魁貴人不臨以壬加亥壬與丁合所以丁用亥為貴人子原宮不數以癸加丑癸與戊合所以戊用丑為貴人此乃陽貴順取也且如陰貴以甲加申甲與己合所以己

用申為貴人以己加未乙與庚合所以庚用未為貴人以丙加午丙與辛合所以辛用午為貴人以丁加巳丁與壬合所以壬用巳為貴人辰為天罡貴人不臨以戌加卯戌與庚合所以戊用卯為貴人寅申原不數以己加丑己與甲合所以甲用丑為貴人以庚加子庚與乙合所以乙用子為貴人以辛加亥辛與丙合所以丙用亥為貴人戌為河魁貴人不臨以壬加酉壬與丁合所以丁用酉為貴人申原宮不數以癸加未癸與戊合所以戊用未為貴人此乃陰貴逆取也古云丑未為天乙貴人出行之門緣陽貴以甲起子循丑順行至癸復歸於丑陰貴以甲起申由未逆行至癸復歸於未豈非丑未為貴人出入之門乎

六氣配十二支循環司天自太陽陽明少陽太陰少陰厥陰運行 辰每歲六氣之序自厥陰少陰少陽太陽陽明太陰者乃又異蓋司天則辰戌卯酉寅申丑未子午已亥而歲序以相生為說則木生火火生土土生金金生水水行之一逆一順各為倫也

南北二政南有二而北有八者北從五行化氣以配五音而立五義者焉甲己化土宮而為君君臨南面乙庚化金商而為臣丙辛化木羽而為物丁壬化木角而為民戊癸化火徵而為事臣民物事奉上承命安得不北面乎是以南政有二而北政有八况土為萬物之祖而為四行之主也夫

稗編

論太乙六壬諸法

太乙六壬遁甲禽演皆選擇時日之書也太乙一星

